

沔縣誌卷之一

知沔縣事青山錢兆沈述

天官志

夫四命分歷象庶徵衍九疇占星之權興也顧未及乎分域自周禮保章氏主九州皆有分星則職方太史之掌統而為一抑又聞保氏章之言曰分星以觀妖祥其與易貴之象曰觀天文以察時變義鈞矣漢馬遷察眉為書良史因之莫改是乘雖微亦考鏡得失於斯者也况沔扼華陽戶牖地處要區推測所至

一 仰觀乾象下逮取物所關鉅焉其可闕諸志天官第

星野

沔屬漢漢屬秦秦為禹貢雍州之域星分井鬼史記天官志曰東井輿鬼雍州之分漢書地理志曰自井十度至柳三度鶉首之次乃秦之分此舊誌所以有驗星井鬼之說也第唐歐陽詹以沔為秦之良蜀之坤蓋地介雍梁固不宜專屬之秦分考崑崙參為益州之星則參井之交其沔之分是野乎

灾祥

漢高帝元年冬十月五星聚於東井文帝後元二年
四月水木火三星合於東井景帝三年五月金木會
躔東井明年四月亦如之元帝初元三年觜參入井
唐高祖武德元年七月填星太白辰星聚東井德宗
建中二年六月熒惑太白鬪於東井宋英宗治平五
年春月出東井元武宗至大元年正月太陰犯井此
歷代灾祥之畧見於分野者也

皇清定鼎列宿拱辰惟是蓮吐華華麥秀雙穗附登邑

誌用紀休徵

城北蓮花池傳為卧龍所栽歲放數花間開並蒂齒
菖瑞應科名

康熙四年重午日馬家坪麥秀兩岐有一莖三穗者
有一莖五穗者邑令持原本報聞

沔縣誌卷之二

知沔縣事青山錢兆沅述

地理志

通都大邑之勝非不繡錯繁華也而為戰守之所不
爭蕞爾之邑連山峻嶺其地瘠且僻也而談兵之家
且據以為要地豈非扼形勝者不在壤之大小而必
較量於平陂間耶山州邱陵謂之地險設險守國王
公之事大易之垂訓固然今乃於沔而得牧豕焉西
逼蜀道東遙接雲棧殆符乎險且枕之交者昔沛公

二

王漢鬱鬱欲東拜韓信而將之信遂取徑縣東北雲
霧山通道疾馳竟出陳倉矣又嘗怪諸葛亮舉兵東
征貔貅十萬移營安壘何地不可獨過沔而張吾軍
豈有取於環拱深固之區可以藏鋒而韜銳耶抑審地
勢之雄為進戰退守之兩得耶宋張浚奏議以漢沔
為形勢之地而先云控六路之師則兵家之爭沔
以矣豈獨前後漢名賢有先見耶其時劉子羽節制
興元走於撒離喝之兵而退守葦毒重整壁壘當其
據胡床冒矢石諸將泣告而不退忠勇之氣可謂壯

哉使非地有所必爭何以待制死守此也潭毒山者
卽今之屹然峙縣西者也自韓信諸葛亮張浚劉子
羽之徒俱以英俊之才值用兵之會而擇地於沔先
後一轍夫沔山蹊犖确則甚瘠也域萬山中冠蓋之
往來殊艱則又甚僻也祇以險且枕之故而兵家必
爭然則地險之設夫亦為守國者之所不廢乎今試
觀岡巒環抱其山之峭如此江之派漾之流其因川
以為池者如彼西樂石馬峙古城於東西倚所謂雖
小而固者耶斯邑之沿革雖代各殊而險要之勢

則亘古今而不移者羣雄之所必爭豈以地小而忽
諸撫茲彈丸見其為形勝之區而古兵家交扼之險
因為詳厥地勢并公署學校驛舖橋梁祠墓之屬各
以類從載之必備庶乎覽輿圖者可以策戰守之宜
焉志地理第二

沿革

沔在戰國時為白馬氏之東境秦屬蜀郡漢分白馬
氏置武都郡以是地置沮縣西晉末氏人楊茂搜據
其地自號氏王南宋立東益州梁隸武興西魏改附

興州隨改爲西縣屬梁州唐復隸興州宋因之元隸
廣元路至元二十年改稱沔州領縣三鋒水畧陽大
安明洪武三年平定陝西仍爲沔州始隸漢中府七
年八月改爲沔縣成化二十二年因寧羗置州遂屬
之嘉靖三十八年後仍屬府治

山川

卧龍岡在縣北壹里有蓮花池旁建卧龍亭云孔明
讀書處曾築書臺其上焉久廢

烽燧山在縣西壹里漢時舉烽燧於上故名或名走

馬嶺

玉簪山在縣西南壹里陟嶺下望井邑廬舍畢見殊
足以供登覽也

鐵山在縣北伍里山勢極稱險峻麓開平地宋姚仲
置寨其內以拒金人

龜山在縣北伍里

魚山在縣南伍里臨沔流形如魚之遊泳焉

定軍山在縣東南拾里上則兩峯屹然而對峙下則
河流滄然而環繞中容萬軍漢黃忠斬魏夏侯淵於

此即出師表所云夏侯授首處也先主遂取漢中而王之陳兵沔陽受重綬山下有武侯墓八陣圖在焉相傳聚細石爲之各六十四聚又有二十四聚分列兩層每陰雨輒聞鼓聲

旗竿山在縣南拾里

武興山在縣東北拾里相傳古興州城在此

北山在縣北拾伍里魏武屯糧處

雷公山在縣北貳拾里上有元岳觀時聞雷聲殷殷出其間

卓筆山在縣南貳拾伍里峯巒削起狀擬筆床下出聖水亢旱不涸宋元時禱雨多應勅封靈濟龍王相傳遺碑猶在

灌子山在縣東北叁拾里山神廟競稱靈應下流源泉灌溉民田

石頂原在縣南叁拾里宋置關扼要

天盪山在縣東陸拾里爲魏武駐兵時屯草之地與米倉山連

米倉山在縣東陸拾里傳有淮陰侯廟

龍門山在縣南陸拾里以石穴高數十丈其狀如門也因名石壁峭健山骨玲瓏洞天中敞清泉下濛夏噴珠簾冬凝冰柱其斯為邑之異境乎

金堆山在縣西柒拾里

雲霧山在縣東北柒拾里四時雲霧濛濛不開即一名雲濛山者也相傳青城道士徐佐卿化鶴飛昇於此昔有飛仙閣百餘間火無復存是山盤亘五百餘里中有故縣故關舊址依稀其路通陳倉古道淮陰暗度由此今則蹊徑荒阻幾不成達矣

大景山

小景山俱在縣西北捌拾里兩山相連景或作丙

潭毒山在縣西捌拾伍里宋紹興三年金撒離喝入興元劉子羽調吳玠兵守仙人關而自保潭毒築壘山上以是山峻拔寬平且有水也壘方成金兵猝至距營十數里子羽坐胡床不動諸將泣告曰此非待制坐處子羽曰子羽今日死於此敵尋以饋餉不至引衆去子羽出師掩擊其後敗大之盡掠輜重而歸

普明山在縣南玖拾里

金牛峽在縣西玖拾里

嶓冢山在縣西壹佰壹拾里漢水之源出焉禹貢書
導漾卽此地

馬鞍山在縣西北壹佰伍拾里

石牛山在縣西壹佰柒拾里

鳳凰山在縣西北壹佰捌拾里以形似也

乾龍洞

仙人洞

仙女洞

度水在縣南貳里有二泉一清一濁衍之涇渭云

漢水縣之南發源嶓冢者也

沮水在縣西叁拾里源出鳳縣南流合漢一云卽沔
水也

河水一名漾水又名金水出武都郡西南流入漢

白馬河在縣西城外叁拾步源自龍門溝南流入漢

養家河在縣南貳拾里自巴山東流入漢

舊州河在縣東貳拾伍里源出百丈坡南流入漢

黃沙河在縣東肆拾里源出雲霧山南流入漢

白岩河在縣西捌拾里源出於蜀西流入漢
黃壩河西流匯養家河入漢

大安河縣之西北源出畧陽通沮水南流入漢經火
燒關今廢

蘊村河在縣西壹佰玖拾里自牢固關入漢

灑水河北發武都氏中南流入沔

韓溪溝在縣東貳拾里

渭溪溝北入白岩河

藍溪溝西南發源北流入漢

龍王溝即聖水也北流入漢

樓門溝即白馬河之支派也在卧龍烽燧兩山之間

四溝合流南入漢

桑園溝在縣西南拾伍里北流入漢

三泉在縣西捌拾里即舊建三泉縣處石上成行者
三品列鼎峙涓涓不絕

沒底泉在縣東南肆拾里泉出不竭灌田百餘頃

二金泉在縣東南肆拾伍里源泉湧出灌田千餘頃

蓮池在卧龍岡上

東池在縣東叁拾里沔水所溢也唐賈島避暑之所
馬家堰在縣南叁拾里
白崖堰在縣西叁拾里
天分堰在縣東肆拾里有東西二堰
山河堰去縣叁拾伍里有東西二堰
金公堰在縣南貳拾伍里
三岔上下堰在縣東南叁拾里
羅村堰在縣西南壹伯玖拾里

城池

沔陽古城始築於漢蕭何後劉備亦都此城盟壇在
焉然尚在舊西縣東南壹拾陸里至後漢建炎七年
諸葛亮築漢樂二城漢城卽今之城也倚山據平地
垣堞以土明洪武四年知州王昱更新之高貳丈五
尺周三里三分門三東曰鎮江西曰拱漢南曰定軍
東西俱重門南則單門至今基址未改若西樂城在
縣西南此諸葛亮拔隴西千餘家築以處之者也石
馬城在縣東此諸葛亮屯軍之所也俱不在城列池
則減沔之流帶江之勢深壹丈濶捌尺明萬曆間千

戶李光文傳有甃磚之修今無存矣

公署

沔署古沔州治也舊在沔東貳拾里明洪武四年知州王昱始移今處七年改縣正堂叁間立儀門庫在堂東獄在門西土地祠在門東兩廊吏舍久廢縣宅於

皇清順治十年令李煊創建主簿久裁尉廨亦荒廢秋興亭在舊州西唐賈至曾為之記而遺基無考矣察院行署明正統間重建久作丘墟龍岡書院明嘉靖

間以孔明書臺為之今廢社學在縣西南亦廢陰陽醫學在縣西北僧道會司在縣東俱不可考養濟院壹所明正德間令李澤創建在縣治南至縣治西之預備倉建於趙令一儒為收屯糧之所俱無存

學校

沔縣儒學在縣治西創於明洪武四年州牧王昱再葺於成化十一年邑令侯信十九年知縣張俊移明倫堂三間於廟後更闢東西齋嘉靖間知縣馬景張賢先後修大成殿兩廡繼而日久傾圮萬曆間知縣

周天瑞萬言策各罪俸重修焉至崇禎九年突遭兵燹文廟被燼止存櫺星門參間十一年邑令王際明創修正殿參間

皇清順治十年教諭屈煇創東西廡各伍間戟門參間廟貌粗備康熙四十一年邑令林鴻烈重修泮池聿新祭器遵豆尊彝爵^尊之屬原數壹佰陸拾盡缺啟聖祠在廟後萬曆間萬令修焉後就毀順治十年亦教諭屈煇重建康熙四年西半傾圮捐修復完名宦祠在櫺星門東明萬曆間孫令承光建祀宋沂州守高祿諸人

鄉賢相在櫺星門西亦孫令創建以祀明大同府經歷李時彥者

射圃在學西北伍拾步舊有觀德亭射圃坊今廢敬一亭在^明倫堂北以廢

教諭訓導完各壹所學倉貳間

驛鋪

順政驛在縣西肆拾步向設驛丞壹員以廢今屬縣在號馬伍拾匹邊塘馬肆匹

青羊驛在縣西陸拾里久廢

金牛驛在縣西玖拾里今改大安驛驛丞壹員額馬伍拾肆匹

黃沙驛在縣東肆拾里驛丞壹員額馬伍拾肆匹

在城舖東拾里至新添舖拾里至舊州舖貳拾里至黃沙舖貳拾里至紐項舖接褒城

在城舖西拾伍里至土關舖拾伍里至沮水舖拾伍里至加興舖拾伍里至老丁舖拾伍里至金堆舖接寧羗

在城舖西北貳拾里至分水舖貳拾里至上沮水舖接畧陽

橋梁

仙留橋順治十年令李煊重修

舊州橋

黃沙橋東有石坊明御史任維賢題安流永濟

新橋在縣西伍里

幹橋在金牛峽

祠墓

社稷壇在城東郊

風雲雷雨山川壇在南郊

厲壇在北郊

文昌廟在文廟東

城隍廟在縣西北明洪武七年建

漢壽亭侯廟在縣東

諸葛忠武侯廟在東伍里後漢建興元年後主詔立故丞相亮廟於沔陽從習隆等近墓立廟賜祭之請也唐貞元十一年馮翊嚴公重修明正德八年蓋

公章具疏請每年春秋致祭自是永垂祀典廟中有石琴一張無絃扣之則聲清越云是諸葛君手揮之物

龍王廟在縣西北卓筆山下宋慶元四年建

威顯忠順廟在舊州舖傳有碑記

五郎廟在縣東關廢而復建神姓張諱嘉自伯達唐肅宗時為雲居宰墓在古洋州有德於漢故漢人思而祀之

聖水寺在縣西北伍里明洪武間始建有殿歛山造

跨雙泉上因名

柳灞寺在縣東北柒拾里明洪武間創建景泰初尚書張公浩隱於此焉

漢丞相忠武侯諸葛亮墓在定軍山下離縣拾里岡迴峯繞殊稱得勢拱木千章拂雲前置祠宇叁楹後列碑刻甚多邑令每歲逢寒食致祭是日邑之人爭澆奠焉束芻斗酒齊赴荒阡益大名垂宇宙千載不改宜乎一坏土世世裡祀弗替也

漢征西將軍馬超墓在縣東伍里孟起英才功扶炎運漢建安伍年諸葛武侯出師過墓親詣拜奠令其弟岱掛孝自是香炷弗絕今其地名馬塲

萬壽塔在縣東壹里萬曆十七年建

古蓋樓在縣西叁拾里銅錢堤左澗右山僅通線道樓建其中扼西路之要

沔縣誌卷之三

知沔縣事青山錢兆沆述

兵食志

司馬治兵司農足食此宰天下之政也宰一邑者何獨無獨無之夫邑之需兵食孔亟矣比戶之嗷嗷待哺者正長吏引為己饑之地而河山寸金急俟保障非除戎器戒不虞不可古者兵食之制宜其不輟於下邑也今兵食之在沔則又有較他邑而更亟者議者以漢中為天下之雄國而實沔漢郡最要之區東接褒

三

斜雲棧聳其前西行數百步即崎嶇入蜀道 所稱一人當關萬夫莫開者在在皆是其北則通秦隴天水諸郡皆古來百戰之場其民人驚悍近則褐衣聯袂而來求食者動輒百十輩而長江環繞荆襄直遡游間耳使卧龍當日放水中龍而下之荆州之借何至以失援取敗然則邑受四面之衝水陸交爭險要甲關內宿將精卒守之真所謂一以當百矣防汛之設可緩乎其亟於食者何也食哉惟時稼穡為本嘗論荆揚地勢窪下宜藝稻麥菽而黍稷則否冀充營并

之間土燥律寒歌與翼有之未聞穫稻羞麥亨菽之
俱備也大雅之詩曰豐年多黍多稌言乎燥濕得中
而黃茂畢登也周原膾膾其爲此乎今沔之地力殆
有甚於周原之饒沃者五穀稍黍稷麥菽之屬何一
不藝何一藝而不熟且大有雍州厥田惟上上辨土
宜者信夫然而輕稅薄賦履畝之征較東南祇十之
五六宜乎殷富成俗矣而瘠土不改者何哉由其戶
少蓋藏而惰斂積習游惰成風唐魏之克勤儉曾不
知法惜乎有此饒沃之土際蠲租寬賦之時而財不
加裕彼嗷嗷待哺者長此安窮然則足食之計倘有
較切於兵者乎自守土以來見夫軍防勿替而田賦
之輕物產之裕又皆足以便民者詰戎厚生大有可
為故於弁兵食之籍及之志兵食第三

軍防

沔縣守禦千戶所舊設千戶叁貳百戶玖貳

皇清順治初年裁革止設千總壹貳百總壹貳今俱裁
革

沔縣守禦千戶所舊額設軍貳佰貳拾伍名內抽撥